

Հաստատված է
Շուշիի տեխնոլոգիական համալսարանի գիտխորհրդի
2016 թ. հոկտեմբերի 13-ի №1-10/16/4 որոշմամբ:
Փոփոխությունները կատարվել են գիտական խորհրդի
2019թ. նոյեմբերի 21-ի N1-11/19/5 որոշմամբ:



Գիտական խորհրդի նախագահ՝

Հ. Վ. Թոքմաջյան

ԿԱՐԳ

**Շուշիի տեխնոլոգիական համալսարանի բակալավրիատի ավարտական
աշխատանքների առաջադրման, հաստատման, ձևավորման և պաշտպանության**

1. Ընդհանուր դրույթներ

- 1.1. Սույնով սահմանվում է «Շուշիի տեխնոլոգիական համալսարան» հիմնադրամի (այսուհետ՝ Համալսարան) բակալավրիատի ավարտական աշխատանքների առաջադրման և հաստատման կարգը:
- 1.2. Սույն կարգը նպատակ ունի ապահովել բակալավրիատի ավարտական աշխատանքների թեմաների ընտրության և դրանց ղեկավարների առաջադրման սկզբունքները:
- 1.3. Սույն կարգը չի տարածվում բակալավրիատում իրականացվող այն ուսումնական ծրագրերի վրա, որոնց ուսումնառությունն ավարտվում է պետական քննությամբ:

**II. Բակալավրիատի ավարտական աշխատանքների թեմաների համար նախատեսված
ժամաքանակի առաջադրումը**

- 2.1. Բակալավրիատի ավարտական աշխատանքը կատարվում է ուսումնառության չորրորդ տարվա 2-րդ կիսամյակում: Ավարտական յուրաքանչյուր աշխատանքի ղեկավարման համար ղեկավարին նախատեսվում է 30 ժամ:
- 2.2. Ավարտական աշխատանքի թեմաները և դրանց ղեկավարների թեկնածուները քննարկվում են թողարկվող ամբիոնի նիստում և ներկայացվում ֆակուլտետի խորհուրդ՝ մինչև չորրորդ տարվա 1-ին կիսամյակի սեպտեմբերի 15-ը (Փոփ. 21.11.2019թ. N1-11/19/5):
- 2.3. Ֆակուլտետի խորհուրդը առավելագույնը մեկ շաբաթվա ընթացքում քննարկում է ամբիոնների կողմից ներկայացված թեմաները և դրանց ղեկավարների թեկնածուներին և երաշխավորում Համալսարանի գիտական խորհրդին՝ այն հաստատելու համար:
- 2.4. Համալսարանի գիտական խորհուրդը ֆակուլտետի որոշումը ստանալուց հետո, առավելագույնը երկշաբաթյա ժամկետում, քննարկում է ներկայացված երաշխավորությունները և ընդունում համապատասխան որոշում:

III . Բակալավրիատի ավարտական աշխատանքի ձևավորման պահանջները

- 3.1. Բակալավրիատի ավարտական աշխատանքը տպագրվում է A4 (210 297մմ) չափի թղթի մի կողմի վրա, համակարգչով (Microsoft word ծրագրով GHEA Grapalat՝ կամ Unicod- ի այլ տառատեսակ, այնպես, որ էջում լինի 28-30 տող: Էջերը պետք է ունենան լուսանցքներ՝ ձախից՝ 30մմ, վերևից՝ 20մմ, աջից՝ 10մմ, ներքևից՝ 25մմ:
- 3.2. Աշխատանքի բոլոր էջերը, ներառյալ լուսաբանող նկարները, աղյուսակները, սեղմագիրը, հավելվածը և այլն, համարակալվում են: Տիտղոսաթերթը համարվում է առաջին էջ, որի վրա համարը չի դրվում:

3.3 Բակալավրիատի ավարտական աշխատանքի տիտղոսաթերթի վրա աշխատանքի հեղինակը ստորագրում է:

3.4. Բակալավրիատի ավարտական աշխատանքի համար ընդունելի է նվազագույնը 30 էջ ծավալը:

3.5. Աղյուսակների, նկարների, գծապատկերների, գծագրերի անվանումները, նշանակումների բացատրությունները տրվում են ներքևում կամ վերևում: Դրանք կարելի է տեղադրել ուղղաձիգ կամ հորիզոնական դիրքով: Եթե մեկ թերթի վրա աղյուսակը չի տեղավորվում, պետք է շարունակել մյուս թերթի վրա՝ նշելով, որ շարունակությունն է: Աղյուսակի սյունակներում ազատ տեղեր չպետք է մնան. պետք է դնել գծիկ կամ գրել «չկա», («չի որոշված»):

3.6. Բակալավրիատի ավարտական աշխատանքի հեղինակը պարտավոր է նշել այն հեղինակներին և աղբյուրները, որոնցից նա փոխառել է առանձին դրույթներ կամ նյութեր:

3.7. Բակալավրիատի ավարտական աշխատանքը կարող է ներկայացված լինել էլեկտրոնային սլայդ-շուոի կամ տպագիր պատճառների տեսքով:

3.8. Գրականության ցանկը ներկայացվում է այբբենական կարգով: Ցանկում աղբյուրները պետք է ընդգրկեն՝ հեղինակի(ների) ազգանունը և անվան առաջին տառը, նյութերի լրիվ անվանումը, հրատարակության տվյալները, տեղը, հրատարակչությունը, քաղաքը, տարեթիվը, հատորը, էջերը: Տեղեկատվական պաշտոնական, այդ թվում՝ էլեկտրոնային աղբյուրների, համակարգչային ծրագրերի, հաշվետվությունների, հրահանգների, հեղինակային իրավունքների արտոնագրերի, պատենտերի դեպքում ներկայացվում են դրանց լրիվ տվյալները: Աղբյուրները բերվում են բնօրինակի լեզվով:

3.9. Բակալավրիատի ավարտական աշխատանքի տիտղոսաթերթը ներկայացված է հավելվածում:

3.10. Բակալավրիատի ավարտական աշխատանքների պաշտպանության համար ըստ մասնագիտությունների կազմակերպվում են պետական քննական հանձնաժողովներ:

III. Եզրափակիչ դրույթներ

3.1. Սույն կարգն ուժի մեջ է մտնում գիտական խորհրդի կողմից հաստատվելուց հետո՝ հաջորդ օրը:

Գիտխորհրդի նախագահ՝

Հ.Թոքմաջյան

Գիտական քարտուղար՝

Ա.Առաքելյան



ՇՈՒՇԻԻ ՏԵԽՆՈԼՈԳԻԱԿԱՆ ՀԱՄԱԼՍԱՐԱՆ

Բակալավրիատի ավարտական աշխատանք

Աշխատանքի անվանումը՝ _____

Ֆակուլտետ՝ _____

Ամբիոն _____

Ակադեմիական խումբ _____

Աշխատանքի հեղինակ _____

/Ազգանուն, անուն, հայրանուն/

Ղեկավար՝ _____

Շուշի- 20....թ.